

# KJARADÓMUR

Fjármálaráðherra  
Geir H. Haarde  
fjármálaráðuneytinu  
Arnarhvoli

Fjármálaráðuneytið
Ab. <i>Raðh.</i>
10 JUNI 2005
Db. 031-3 1
Tilv.: FJR05060044

9. júní 2005

Í dag, 9. júní, felldi Kjaradómur úrskurð þann er með fylgir.

Virðingarfyllst

F.h. Kjaradóms



Sigurður Snævarr  
Ritari

Fjármálaráðuneytið

Ár 2005, fimmtudaginn 9. júní var Kjaradómur settur að Tryggvagötu 11 í Reykjavík og haldinn af Garðari Garðarssyni, Eddu Rós Karlsdóttur, Jóni Sveinssyni, Óttari Yngvasyni og Þorsteini Júlíussyni.

Fyrir var tekið:

**Að ákvarða laun þeirra aðila sem undir Kjaradóm falla skv. lögum nr. 120/1992**

#### I.

Í 5. gr laga nr. 120/1992 um Kjaradóm og kjaranefnd segir: “Við úrlausn mála skal Kjaradómur gæta innbyrðis samræmis í starfskjörum þeim sem hann ákveður og að þau séu á hverjum tíma í samræmi við laun í þjóðfélaginu hjá þeim sem sambærilegir geta talist með tilliti til starfa og ábyrgðar. Ennfremur skal Kjaradómur taka tillit til þróunar kjaramála á vinnumarkaði” Þá segir í 12. greina laganna: “Kjaradómur og kjaranefnd skulu taka mál til meðferðar þegar þeim þykir þurfa og ætíð ef orðið hafa verulegar breytingar á þeim launum í þjóðfélaginu sem höfð skulu til viðmiðunar samkvæmt lögum þessum eða á störfum þeirra sem úrskurðarvald þeirra tekur til. Eigi sjaldnar en árlega skulu Kjaradómur og kjaranefnd meta það hvort tilefni sé til breytinga á starfskjörum sem þeir ákveða.”

#### II.

Kjarasamningar hafa nú verið gerðar við flestar þær stéttir sem Kjaradómur lítur til þegar hann metur þróun launa á vinnumarkaði, en eins og fram kom í úrskurðum Kjaradóms frá 9. maí 1999 og 18. desember 2002, þá telur Kjaradómur eðlilegt, miðað við fyrirmælin í 5. gr. laga nr. 120/1992, að hafa einkum hliðsjón af samningum við opinbera starfsmenn, eftir því sem unnt er, enda þótt einnig sé litið til vinnumarkaðarins í heild og fleiri atriða.

Í forsendum úrskurða Kjaradóms hefur margsinnis verið gerð grein fyrir því að erfitt getur verið við fyrstu sýn að meta hvað raunverulega felist í kjarasamningum. Launatöflur sýna tiltekna hækkanir í prósentum, en þegar betur er að gáð felast oft í kjarasamningum tilfærslur á niðurröðun í launatöflur, aldurstilfærslur og margs konar önnur atriði, sem til samans valda því að laun þeirra sem taka laun samkvæmt viðkomandi kjarasamningi hækka meira en launatöflurnar einar og sér segja til um. Kjaradómur, Hagstofan, aðilar vinnumarkaðarins og fleiri aðilar mæla áhrif og ráða í þessa kjarasamninga og þegar frá líður er hægt að fá heillega mynd af þróuninni. Stundum er einnig launaskrið á markaði, utan kjarasamninga, en þess virðist ekki gæta mikið nú.

### III.

Kjaradómur tók síðast grundvallarákvörðun um laun þann 10. maí 2003, en með tilliti til þess sem var að gerast á vinnumarkaði um síðustu áramót tók Kjaradómur ákvörðun í desember s.l. um 3% áfangahækkun, sem tók gildi 1. janúar á þessu ári.

Þegar litið er til þeirra breytinga sem orðið hafa á launakjörum á vinnumarkaði, og að teknu tilliti til áfangahækkunar sem Kjaradómur ákvað í desember s.l., er það því mat Kjaradóms að hækka beri laun allra þeirra sem fá greidd laun samkvæmt ákvörðunum dómsins um 2 % frá og með 1. júlí 2005 að telja. Kjaradómur telur ekki ástæðu til annarra breytinga á kjörum einstakra aðila eða stétta að svo stöddu og einingafjölda, sem er umbun fyrir starfsskyldur umfram dagvinnu, breytist heldur ekki.

### IV.

#### Því úrskurðast:


Mánaðarlaun þeirra aðila sem undir Kjaradóm falla skv. 2. gr. laga nr. 120/1992 skulu hækka miðað við 1. júlí 2005 um 2 % frá síðustu ákvörðun Kjaradóms um laun viðkomandi. Mánaðarlaun einstakra aðila verða þá sem hér segir:

1. Forseti Íslands krónur 1.534.040.
2. Forsætisráðherra krónur 915.162 og aðrir ráðherrar 825.424 krónur, hvort tveggja að meðtöldu þingfararkaupi.
3. Forseti Hæstaréttar krónur 626.836 en aðrir hæstaréttardómarar krónur 585.158. Forseta Hæstaréttar skal auk þess greiða jafngildi 54 eininga mánaðarlega en öðrum hæstaréttardómurum skal greiða jafngildi 45 eininga.
4. Ríkissaksóknari krónur 585.158 auk jafngildis 45 eininga mánaðarlega.
5. Ríkissáttasemjari krónur 565.370 auk jafngildis 54 eininga mánaðarlega.
6. Ríkisendurskoðandi krónur 565.370 auk jafngildis 54 eininga mánaðarlega.
7. Biskup Íslands krónur 565.370 auk jafngildis 38 eininga mánaðarlega.
8. Dómstjórinn í Héraðsdómi Reykjavíkur krónur 509.931 en aðrir dómstjórar krónur 476.026. Dómstjóranum í Reykjavík skal auk þess greiða jafngildi 54 eininga mánaðarlega en öðrum dómstjórum skal greiða jafngildi 45 eininga.
9. Héraðsdómarar krónur 459.929 auk jafngildis 35 eininga mánaðarlega.
10. Umboðsmaður barna krónur 459.929 auk jafngildis 23 eininga mánaðarlega.
11. Þingfararkaup alþingismanna krónur 459.929.


Eining Kjaradóms verður kr. 4.600 frá 1. júlí 2005.



Eldri ákvarðanir Kjaradóms um aðra þætti skulu óbreyttar standa.




Garðar Garðarsson  
formaður




Edda Rós Karlsdóttir



Jón Sveinsson



Óttar Þingvason



Þorsteinn Júlíusson